

北京日報

第百九十八册

代表人朱淇

論說

二月十三日

論國民不可無政治思想

(昭文孫雄撰稿)

國家者聚無數人民而成立者也故國家之盛衰強弱必視國民之愛力以爲比例差而國民愛力之深淺又視政治思想之有無多寡以爲比例差其國民苟無政治思想即或有之而僅居至少之數者則其國家亦必衰且弱吾國自庚子而後上自 宮府下逮氓庶咸奮發爲雄欲洗從前之耻辱而進於強盛去歲又奉 特詔命澤公等五大臣出洋考察政治又 命於京師立考察政治館 誠布公並觀兼聽欲合全國人民均發抒政治之思想洵十載一時之嘉會也東西各報咸頌美此舉英司葛司門報云中國簡派大僚考察立憲政治實爲非常曠典他日五大臣歸國其所報告與夫中國政府所設施必爲全球所注目國中學界中人亦當有所豫備以待新政之設施要之使節此行必有所獲吾知一千九百零六年之新史必爲黃色種人新時代肇端之日矣夫英亦立憲之國也司葛司門日觀亦爲新聞社之有特色者彼其所言如此吾中國朝野上下宜如何作興鼓舞漸滌舊染日新又新以期鑄冶此黃種人之新時代乎彼所云學界中人尤當有所豫備以待新政之設施所謂豫備者何也即國民之政治思想而已豈惟學界即農界商界工業界軍事界苟附於中國之版籍而廁乎軒轅黃帝子孫之列者即不能缺政治之思想彼學界與政界中人特尤處乎重要之地耳蓋國民之政治思想即人體之神經也吾國自秦政以專制馭天下焚書坑儒愚弄黔首漢承秦敝陋儒叔孫通又定朝儀以媚高祖堂陛之分益隔君民之情愈疏國民之神經久已黑闇淆亂無所統宗沿襲數千年不知政治爲何物今爲列強盤渦所迫促一二賢者始如大夢初覺知人民之與國家有重大密切之關係因舉愛國合群之義喚同胞而使之警醒然彼昏不知視天夢夢者猶占全國之多數也吾請即日本之往事述其概要以爲國民先路之導可乎日本阪垣退之助之創立志社也先貽書同志布告宗旨畧謂世運之進化與人民之奮勉實相俟而成我輩同爲日本帝國之人民宜乎無貴無賤無尊無卑皆得享天賦之權利惟因不能自治獨立故元氣渙散存依賴政府之思想大本



已撥何以立於天擇物競優勝劣敗之世界乎婆心苦口不憚煩言卒能達其目的後因區域衝突又推廣立志社之宗旨別結一愛國社當愛國社成立之初日本全國人民尙乏政治思想入會者僅四十餘名如小室信夫井上高格等本爲自助社員與阪垣等合併一社此外寥寥若晨星歷史稱爲極少數之議會然自此以後政黨之勢日隆民權之芽遂發人人皆知愛身以固結團體既固各張自主之權利分任應盡之義務小則可保全家族社會大則可維持天下國家并不難與歐美列強爭雄對峙厥後論日本憲法之成立者推原事始咸嘆東瀛氓庶之政治思想實於此時渾然而生蓋阪垣與小室井上諸君椎輪大輅之功殆有百世不祧者矣

當時日本政府亦思以壓力鎮之然公理發明非私見所能制伏所謂一人之手不能掩天下之目也高知獄事雖起而阪垣諸人熱心不衰次年復開會於大阪遊說諸員分至各地告人民以欲興國家莫如開設國會之理又立支社於東京廣布其義激昂慷慨報紙風馳於國內開設國會之思想咸深印入國民腦海之中充塞而不可遏抑縱有新聞條約種種繁瑣約束之件國民絕不以爲意熟視之若無覩焉明治十六年十一月大隈氏密陳請開國會之意見書天皇自北海道歸即召大臣協議特降勅諭預定開會時期命下之日歡聲雷動此爲日本立憲政體之基礎今日日本帝國得以雄視亞東戰勝露國而與全球文明諸大國抗手此肩爲黃色種人放一特別異彩者皆明治此詔所播種之佳果而亦非有阪垣諸人先爲鋤耨而耘耨之不獲致此蓋治國與治田其事殊而其理一必先盡主伯亞旅之勞迺能得室盈婦甯之慶也吾國不欲自強則已苟欲自強則建亞東立憲第二帝國之幟可不奉爲圭臬乎語云前事之不忘後事之師也吾國志士不乏其愛國之熱誠者尙其未雨綢繆早爲儲備也可

夫立憲政體與共和政體本非亞細亞洲之土產物也歐人耗費無數之代價以購得之犧牲無數之生命以製造之而日本以絕東小小島國順十九世紀民政之風潮遂亦由君主而改爲立憲故當其初也歐美人士咸非笑之謂黃種於立憲政體斷不能合且日本人民秉性輕率毫無忍耐之力故此事必不能成不意日本於創議以前雖釀黨禍而與訟獄後則上下一心如順風而呼嘯如下水而行舟自立憲以後國勢盛美進步尤速出於歐美各國意料之外今我國有東鄰之成憲借爲表式較之創前古所未有其勢較易爲力惟地大物博且承積弱之餘欲提挈而振奮之恐非一時所能奏效耳甲午遼東之役受此大創卓識之士惻心外侮欲振迴日之戈終因朝野上下水火冰炭不能同心同德以致盡隳前功推其最初之原因實由國民腦海之中毫無政治思想耳今誠鑒於前失各省大小官吏勸諭所屬俾之固

結團體紳士之明達者廣集同志設研究政治會譯書講報俱定方針務將獨立自治之理再三演解謂我儕既含生負氣同爲國民無論貴賤尊卑萬有不齊皆得享天賦之權利積日既久必群相感悟鼓其愛力以翼我國家自非然者幸遇此天惠聰明之聖主特派大臣分往各國考察立憲政治將以革除專制提倡民權在上者有此謙讓文明之美德期破數千年之銅蔽使四海之內滌瑕蕩穢而鏡至清而在下者仍安於睡夢漠焉如淡與泊之相遭於新政之設施無絲毫之豫備爲東西各國所訕笑爲輕視黃種之歐美人所快心恐雖越二十紀而至三十世紀仍無我黃種人新時代肇端之一日也豈不恫哉

## 要緊新聞

南昌教案九誌○南昌教案法使已派委北京使署參贊一員英使派委上海英領事赴南昌袁宮保則電奏派津海關道梁敦彥觀察前往南昌會同商辦教士謀殺知縣及焚燬教堂之案梁觀察已定於十三日起程所遺津海關道之缺以蔡述堂觀察代理云

警部慎重補缺○巡警部補缺一事聞將揭曉惟查懸缺未補者尙占多數徐尙書甚鄭重其事寧懸缺以待人毋濫補以溺職以期洗刷舊部之積習云敬告尙書能破格賡格則人才得矣

飭查陳州匪徒滋事○陳州匪黨前經政府電致豫撫飭屬勦辦現聞法使復有函達外部謂河南陳州府匪徒滋事已有教堂被焚教民被害恐地方官力量不及請電飭豫撫派兵前往彈壓切實保護等語外部已電致陳小帥迅速查明滋事情形據實電復

江督電留袁樹勛○袁樹勛前經奉旨補授順天府尹本擬迅赴來京但江督周玉帥現已派委該員赴粵查辦官紳衝突一案一時未能動身故周玉帥有電來京俟該員查辦事竣再赴新任云

請定寶星爲九等○比使以中國寶星等級與外國不一殊覺參差故昨有一片奏到京保請將寶星定爲九等該奏已交部議

奏定整頓國法○日前財政處會同戶部議定整頓國法章程頗爲完備現經政務處核議尙屬可行業已覆奏奉旨依議日間當可發布



咨查穿城鐵路○日本建築新民屯至瀋陽穿城鐵路經奉天將軍電請外部向日使詰問茲據復稱謂此項鐵路祇軍事上所用等語政府已電咨北洋大臣迅速查明聲復

奏請賞給賽會洋員寶星○前中國赴比國賽會曾僱聘洋員襄理賽會一切事宜今賽會告竣所有在事出力人員不無勞勩比使特為懇請賞給寶星已具摺奏請矣

未准銅餅進口○江西省定購銅餅二千七百餘担訂有合同碍難退還由滬道電請戶部通融辦理已紀昨報茲悉戶部以此項銅餅核算合同日期應在接奉部文飭禁販運之後未便准其進口已電覆滬道應由江西省自向洋行清理退回云云

豫省仕學速成科之內容○豫撫陳小帥前將課吏館改為仕學館專設仕學速成科其章程由北洋大臣咨送內容分脩身刑法理財交涉學務警察地輿工藝共八門以中國政學為基礎以各國政學為進步限定兩年畢業派委藩臬兩司為該館監督常年經費一萬一千六百餘兩已由該撫奏准作正開銷矣

電商廢棄滿洲兵備限制○黑龍江將軍程留守電外務部謂此次中俄協議提出庚子年條約中所有中國在東三省兵數限制一節懇貴部提議廢棄此約云云

程將軍電請力爭金礦○外務部日前接黑龍江將軍程留守電現據鑛山調查局委員考查本省鑛山報告言多爾喀(譯音)金鑛華比拉喀(譯音)金鑛有俄人在彼試探漠河及觀音寺兩處已在俄人掌握屢經與俄員交涉因此間尚未撤兵故交涉甚為棘手以上鑛山實係本省命脈懇向俄使力爭收回利權毋使蹈開平煤礦之覆轍云云

電參漳浦縣令○閩督崇制軍以漳浦教案盧令不善彈壓特電參該令擬請革職云

美國備兵防華○美國兵部現已檄飭軍營謂至少須預備兵險二萬五千人以備中國有事時得以二十四點鐘即可運至中國

### 本京新聞

擬頒州縣出洋新章○直隸州縣現在於補選實缺到班之時均令先行出洋赴日本查考三月事畢回華到省赴任茲聞政府擬援此例編訂章程飭令各省一律做辦以資識練云

戶部咨催俸檔○戶部以本年發放春季俸銀為期已近所有各署領俸冊檔尚未到齊日昨聞已分別咨催速為咨送毋令稽延致阻核辦云

調停學政之策○現在各省學政雖有辦理全省學務之責然又未便位置在督撫將軍以下嗣後如遇各缺出即以各學政之對品級者補授不另行簡放他人

漢口戶部銀行派員消息○聞戶部銀行在漢口分設總辦之員由戶部奏保黎大鈞觀察已蒙 俞允

粵督請裁驛站○岑春萱有條陳入奏請將各省已有郵電之處即將驛站先行裁撤所有郵政未通之處暫行緩議聞已交部議奏

湘撫咨報長沙英商交涉案情○京津時報云外務部接湖南巡撫來文謂長沙英領事已接奉駐京英使訓令着飭令英商勒納次速離長沙

嚴飭清戶部各房積弊○日前戶部奉 交片命本部捐納房經費及各省飯食銀兩數成作為司員津貼至本部書吏若該尚書等酌量裁減等語其故係因近有御史王步瀛奏陳戶部積弊頗多所有堂官未能認真辦理者實因檔房捐納房領辦司員從中把持經費不願勻分查吏兵等部書吏已裁司員均有單貼而戶部猶不能照辦未能平允務請嚴飭該部堂官破除情面改辦等因 兩宮允准故有交片現在戶部連日會議此事日間常見實行云

中俄議約近聞○唐少川氏同京後於前日又與俄使商議條約而俄公使仍要索伊犁新疆鐵路敷設權以及黑龍江之東清鐵路之支線均須允許俄國有敷設之權所有定期從速撤去滿洲之駐兵一節俄公使已允從長商議云

恰克圖約不能更改○重修恰克圖條約之事聞俄公使已奉俄皇之諭不得更改舊約

擬訂各部院堂司養廉○政府以新設各部及軍機處均已薪水津貼其餘各部院堂司獨資舊俸未免向隅現在吏兵兩部既裁書吏均有公款可籌戶部亦有化私為公之款惟禮刑二部向鮮進款因擬通盤籌算將各部堂司養廉定為確數統將雜款解戶部按季頒發聞已由政務處詳擬章程不日可見之實行矣

### 各省新聞

追錄黎紳出獄情形○(廣東)上月二十日岑督奏請省釋黎國康廿二日奉 旨著照所請經岑帥札行臬司遵



旨省釋是夜梟憲奉札後即派委員二人往南正局欲乘夜突黎紳出獄黎以被褥疊具屏擋未畢請待明日委員不允強而後可至廿三日學界紳商各界慈善界報界在總商會開歡迎會各學生排隊而往龍旗搖颺號角悠揚帽影團團履聲戢戢自總商會以至南正局觀者填街塞巷擠擁異常洋人亦有來縱觀者及抵南路正局圍觀者益衆所經商店民居簷口晒台人影壁立下午三小時黎紳由局而出萬人鼓掌其聲如雷先在局門外操場延佇拍影以留紀念沿途燃放炮竹爭示歡迎時煙霧漫天人聲鼎沸婦孺咸指而相謂曰此即鐵路代表之黎君耶此即爲民受過之黎君耶咸噴噴贊歎不置云

黎紳親供照錄○(廣東)具親供革紳黎國康革紳去臘十八日奉番禺縣令扛拿交西關巡警南正局看管革紳素守法律從不與聞外事並無勸人辦路籌款看管委員知見現奉諭旨釋放天恩高厚感激涕零謹遵旨回家惟紳民籌款集股如何情形革紳尚未聞知路股重大現在應如何辦法將來應如何方有成效尤難懸揣革紳係被革人員固無煽動阻抗之力亦無勸辦籌集之權將來粵路籌款集股事宜革紳不敢肩任責成謹將委實爲難情形繕具親供呈請臬台大人轉呈督憲大人據情代奏所具親供是實

農業學堂調查土產○(湖北)農業學堂自設立試驗場以來於學術上成效頗巨近聞擬廣徵全省土產關於農業植勸等物細爲試驗一切何種何用詳悉調查並刊就表格函請藩司飭屬考查送堂俾有把握東鄉縣提倡蠶桑○(江西)江西東鄉縣何銘亭大令素講蠶桑前時在蠶桑局主政自到任後即託人赴湖購辦桑秧蠶種在署內試辦去冬又於署外某公祠旁添造新屋四間一律洋式潔淨精緻適於養蠶之用并購有杭州蠶學館驗過之春蠶種擬在新屋內飼育以便鄉紳觀俾可取法

滇省派員考查路礦辦法○(雲南)滇省大吏現在請求路礦各政特委方道宏綸赴粵巡津漢一帶考察辦理成法以期滇省仿行日前該道業已抵粵稟謁制府矣

稟准仿辦錢債案件○(山東)錢債案件於追出款項之內酌提歸公辦理新政直隸天津各縣行之年餘頗有成效

魯臬連廉訪日前詳請撫院仿照辦理責成各州縣凡遇錢債案件妥爲追比俟案結後即於清還之錢債款中酌提

二成以一成解省存儲臬司衙門以一成留備各該州縣辦理警察習藝各要政業經楊撫批准飭辦

三江師範學堂改名○(江蘇)江督周玉帥前以三江查礦局名實不符已飭改爲兩江查礦總局茲又以三江師範

學堂名目混淆亦飭改爲兩江師範學堂蓋合揚子江章江浙江三水始得稱爲三江而兩江督部所轄實無浙江在內故特改正是亦綜覈名實之義也

桂撫擬勸不解公款各員○(廣西)桂省前撫柯達時曾奏定勻缺章程酌盈劑虛將通省府廳州縣各缺分爲上中下三等上缺提款若干下缺津貼若干中缺免提亦免津貼詳定銀數通飭遵照乃自柯撫去任凡上缺均抗不繳繳所提之款雖迭經追繳仍多置之不理現李中丞以庫帑支絀而優缺各府廳州縣均似此不繳提款顯違奏定章程殊屬不合因特札派辦政事處分別催促平樂府百色廳全州賓州臨桂宣化賀縣懷集等各屬優缺違章照解不准以辦匪虧空等詞搪塞并擬奏參數員以儆將來

蘇撫再請派人教練○(江蘇)督練公所前奉蘇撫來文調取熟諳陸軍教育之人赴蘇教練新軍當以此間亦苦乏才無可遣派答覆茲署督周玉帥又准陸中丞來電仍中前說而督練公所仍以萬難分派爲詞玉帥允却兩難尚未有以裁覆

竹山銅礦之無効○(湖北)鄂陝竹山洵河交界之銅礦早經兩省督撫商明咨部合辦已誌前報茲悉探挖不甚得法礦苗亦不甚旺而糜款已屬不貲會辦胡元常以次各員鄂督皆有意更動另派長於礦學者接辦云

改撫署爲陸軍學堂近聞○(廣東)岑督將舊撫署改爲陸軍學堂近已由該學堂總辦虞令利甫召匠估價祇拆工一項亦需三萬元將來建就則需數十萬元所有該署貼近之羣房民居亦須搬遷聞東偏拆至三多里石榴巷止迤南拆至安懷里止西偏拆至雨帽街止工程極爲浩大日昨已先將向有之兩旗杆鋸去矣

稽查製造局軍裝○(湖北)金陵南門外製造機器局北五省軍裝器械均歸製造近數年北五省軍裝或造目鄰近之省或造自本省江南較遠運行不便一概咨行江督請停代製周玉帥札飭該局總辦徐觀察乃光將北五省軍裝限於乙巳年終截止開正清帳盤庫列表報銷又以該局庫所存軍裝甚多特委霍游戎良順總司稽察聞該局開工須遲至二月望後云

山西邊防最近之布置○(山西)山西北界蒙盟強鄰接壤貽將軍蒞任以來於興學備邊頗能整頓聞將軍於去冬又復設法籌款并自捐廉俸數千金購七米粒五響毛瑟槍七百三十支土默特馬步槍四十支德國新式四十七米利默達口徑過山鋼礮六具并子彈輪箱無煙開花彈一千二百粒計需五萬金以資邊防之用又於口外大青山一



各國新聞

法大臣反對練軍新章○(法國)法議院衆議員商定將歷年操演後備軍時期減少至十五日其土兵減少六日以此議爲然者三百四十四員不以爲然者一百七十四員而法大臣魯發氏力駁其非並云凡與本國緊要軍隊使之力弱之事則吾不欲爲云

愛爾蘭復提倡自治○(英國)英國愛爾蘭前已有自治之論近參贊大臣畢瑞斯復倡論愛爾蘭自治問題聲稱伊於愛爾蘭自治政體彼并無異言且愛爾蘭能推行自治實當今急務而愛爾蘭人當自固結團體組織其自治之基礎爲要聞有大臣戴林者頗表同情

安東縣日本物品陳列館○(日本)日本商人昨冬在奉天安東縣開設物品陳列館爾來極博中國人之信用頗獲巨利該館理事員杉村君頃日回國到大阪與大阪實業協會商辦貨物待解冰時期直撥送安東縣又杉村君現與大坂市某某商務員協議安東及其他各地之商務經營云云 (譯東報)

英國對於藏約及威海衛問題之意見○(英國)倫雪門代表外部大臣愛特華格雷宣言云西藏條約目下仍在磋商英國之意欲將該約更改或有以威海衛問題質問者彼又答稱余不信旅順歸日後足使威海衛條約有所變動現目下並無此舉動云

非洲派兵剿亂○(非洲)南非洲豆朋地方已調集步兵五百名及砲兵一隊將開赴距此四十英里之地勦辦亂事韓國財政顧問官留任○(韓國)韓國財政顧問官日賀田氏前因與駐韓總監伊藤侯爵意見不合上書辭職已紀前報茲因伊藤侯爵力挽留遂仍就原職云

俄皇對摩國問題之思慮○(俄國)現德法在阿爾西亞會議摩國問題雖未妥協然可望和平了結之意俄皇甚望德法兩國保守和平之局因思摩國問題一日不結俄政府所轄之國債實不能如願也

英法兩國相見○(英國)英皇愛華務德由波斯茂德港乘坐快船前往池爾伯克(法軍港離英港波斯茂德六十餘英里)即於禮拜日抵巴黎駐英全權公使署并設筵邀請法前總統勞畢及新總統法利爾云

宮門抄

十二日商部 鑾儀衛 廂黃旗值日 內務府引 見三十名 鄒嘉來等謝授缺 恩 掌儀司奏十五日祭奉先殿溥侗行禮 召見軍機 鄒嘉來

諭旨

二月十二日奉

旨外務部左承着鄒嘉來補授朱寶奎着補授外務部右參議欽此

批摺摘由

二月十一日政務處

戶部奏浙江省折漕正款請飭提解部庫奉 旨依議

二月十一日摺片九件

劉永慶奏查明三十一年南河協餉已未完數目並催解本年協餉 該部知道單併發 又上年十二月湖河水勢情形奉 旨知道了 又堰阡同知程鴻遇署理 吏部知道 又都司宋學亮等革職 兵部知道 楊承望沈瑞麟等請獎 該部知道 載瀛奏 東陵青山嶺等處私墾地畝甚多擬請升科以充學堂經費 該部知道 袁世凱奏請以周學熙補通永道缺 吏部知道 又永定河三十年分搶修工程用過銀兩報銷一摺 該部知道 又永定河三十年歲修工程報銷 該部知道

二月初十日

太常寺奏十六日祭 關帝廟 後殿請 改派王行禮事奉 旨派出醇親王載灃 又奏祝祝版禮節事附比較時刻片一件時刻片二件奉 旨知道了 又奏行禮禮節事奉 旨知道了 又奏恭進十六日十八日齋戒銅人綠頭牌奉 旨知道了 又奏看版時刻綠頭牌奉 旨知道了 又奏 大祀遣官行禮停止 閱祝祝版事奉 旨知道了 丁光祿寺 奏請由戶部撥給銀兩事奉 旨依議 理藩院奏請襲達爾汗王旗多羅貝勒出缺請以承襲事奉



硃批圈出濟克登諾爾布林沁扎木蘇 又奏請放達喇嘛副達喇嘛二缺事奉 硃筆圈出德濟喇呼扎什 又奏駐京土默特固山貝子棍布扎布捐輸銀兩請給伊子公銜衣翎請 旨事奉 旨依議 又奏年班來京蒙古王公等領過盛甲折賞銀兩奏銷事單一件奉 旨知道了

### 奏稿

內閣 奏為更換各省學政

敕書恭摺具陳仰祈

聖鑒事竊本年八月初四日內閣奉

上諭袁世凱等請

立停科舉以廣學校並妥籌辦法一摺着即自丙午科為始所有鄉會試一律停止各省歲科考試亦即停止等因欽此

又月初六日奉

上諭昨已有旨停止歲科考試專辦學堂所有各省學政均着專司考校學堂事務會同督撫經理

等因欽此欽遵在案查各省

簡放學政向由臣衙門頒發

敕書茲欽奉

諭旨停止歲科考試各省學政專

司考校學堂事務自應換給

敕書俾遵職守謹撰擬各省學政

敕書一道繕寫清漢文進

呈恭候

欽定

伏乞

皇太后

皇上聖鑒謹

奏光緒三十一年十二月初七日奉

旨知道了欽此

敕某官朕惟序之制隆於三代其教之也有方而進之也有序故得人稱極盛焉唐宋以來科目斯設沿至於今群鴛空疏鮮有實濟既乖初意罔得時艱是用停罷制舉建立學校遠師周官之遺意近採各國之成規庶宏作育之方冀收樹人之效今特命爾前往提督各府州縣學政爾尚端軌儀崇經術表正趨向廣設學科嚴立課程慎防流弊毋徒標新異毋故蹈奇邪毋避怨而見好市恩毋畏難而因陋就簡俾多士皆為有用之材庶民普授教育之益克贊維新之治共成富強之基以副朕因時立制之至意人材夙盛所有該省學務悉責成爾會同督撫臣經理所屬府州縣提調等官凡有關學務人員聽爾據實考核該省官立民立各學堂生徒聽爾約束其課程聽爾稽察畢業升學屆期聽爾考校所有學務奏定章程當着實舉行遇有傳諭整飭學務事宜爾當恪恭遵依至於本省督撫各有攸司如遇公事交接暨文移往來俱照平行布按兩司接見禮儀往來文書有千係學政者俱照學院衙門例行爾受茲委任務嚴絕情面一秉至公振拔孤寒澄汰污賤訓課有程升降有法俾民智日開士風丕變時惟爾功如或因循推委違命曠職亦惟爾罰爾其慎之故敕

督辦學務理藩院尙書銜綏遠城將軍奴才貽穀跪

奏為準旗蒙匪首逆就擒兼獲從匪多名謹陳圍捕情形並酌擬

分別懲辦恭摺仰祈

聖鑒事竊前因準葛爾旗逆犯丹丕爾由南坪在逃經奴才續派兵隊往捕於上年十一月間

將該首逆擒獲並獲餘匪十九名鎗斃匪黨十數名奪獲槍砲多件當將獲匪及擬辦大概情形電陳在案查該逆丹丕爾自南坪逃逸後率領悍黨北竄到處勾結蒙漢奸民入夥屯連糧草鑄造槍械遠招鄰境匪徒援應其長子拉木甲復

助之為虐上年十月間曾持刀謀刺該旗貝子未成奴才以該匪煽亂猖獗勢恐燎原亟宜及早擒獲遂飭各軍分投嚴密查拿重懸賞格示諭蒙漢人等協拿復派已革典史楊守性隨處購緝去後旋於十二月初間疊據該旗西協理台吉額爾木齊吉爾噶勒及該旗墾務分局委員直隸州知州呂繼純林毓杜豐楊守性等各報稱訪悉該逆丹丕爾等現逃

往喇嘛洞地方擁聚多人意在復行搶局並分往該旗各司官家尋仇是處負山面河形勢極險又復小徑歧出不易圍攻該員等得信後即由林毓杜會同楊守性率墾務衛隊及歸墾務調遣大同馬隊四旗弁兵等二十三人先往分截要隘因該匪深藏洞內該處先有平民居住恐及無辜遂力謀圍困不敢遽施攻擊又以兵力太單士卒圍至八九日寢處

霜雪漸已飢疲該員等一面飛文約會大同續備軍管帶譚湧發口外續備軍管帶胡太才星夜親率兵丁接應一面稟由奴才添濟快槍子彈迫譚湧發胡太才由包頭防次馳至該逆已于初四日由小徑夜遁各弁兵望影分追獲匪五名

胡太才另獲長命子即烏爾兔納素一名楊守性率兵尾匪直抵豹子塔崔成寨該逆正在聚合徒黨負隅固守楊守性率五名衝入寨內幾被困害幸譚湧發胡太才林毓杜各率弁兵於初九日辰刻同抵豹子塔分路合圍該匪遞開砲轟

擊我軍開砲還擊楊守性乘間得免于難兵已受傷二名是處地勢尤險于喇嘛洞而槍砲尤多蓋其平日所恃舊巢也我兵相持半日勢難取勝因合談於晝夜奪寨進攻是夜五更時月色沈暗各軍均潛至寨門附以大同四旗口外二旗

及衛隊巡哨弁兵數人乘隙鼓勇奮門餘兵由寨牆蟻附而入且戰且進戰至天明各隊齊集譚湧發胡太才督隊冒槍直進胡太才面腿均受鎗傷仍不少卻該匪砲彈如雨我軍奮勇猛擊鎗斃蒙匪十數名匪特四散紛逃陣擒丹丕爾並

擒獲從匪十九名奪獲劈山砲四尊牛腿砲兩尊鎗數十枝我軍傷七名先後由譚湧發胡太才林毓杜楊守性飛稟前來奴才批飭將首從各匪一并速解歸化審辦槍斃由局收存旋據將丹丕爾等押解到城奴才督飭署薩拉齊同知余寶滋飭署五原同知姚學鏡提同首次捕獲之該逆次子依登甲從匪達楞泰長命子等分別審訊據丹丕爾供認煽惑

阻墾招集蒙漢匪徒聚蓄槍械併歷次開砲拒捕傷亡官軍弁兵等情不諱質之依登甲亦於其倡亂搶局抗拒官軍各事無從為之遁飾奴才以該首逆情罪道大未便稽誅當於審明後將其就地正法以昭炯戒該逆次子依登甲訊未獲



逆且當其起事之時曾經勸阻本可即從寬宥惟此時遽爾疏釋恐生枝節擬仍暫交薩拉齊廳羈禁嗣後如察其果係畏罪守法再行取具妥保開釋從匪達榜秦長命子即多爾免納素兩名在丹不爾家辦事有年多預謀惟首惡伏誅其他黨惡均可以脅從曲宥請貸其一死一併交廳永遠監禁其脅從未久情節稍輕之必得格等十八名除奇務長有子蒙濟圻什巴兒四名因病先後身死外餘均查照前次辦法從重責懲分交該籍嚴行拘管俾做愚頑年尚幼穉及訊來從匪之三三金衆子王石小子三名應從寬准予保釋此案該逆丹不爾以該旗協理台吉於奉旨辦理事件首先抗違縱令蒙匪們肯吉亞等聚眾起事搶局逐官并暗煽各旗劣蒙羣起為難烏審全旗報墾年餘延不交地郡王旗已放王地蒙衆肆出分收押荒杭達兩旗亦於秋後在後套聚眾抗拒滋擾各商一人倡亂搖動全盟去秋奴才巡閱伊盟各旗實由於此迫奏請將該逆革拿後竟敢狡焉思逞大肆披猖拒捕傷兵勢成滋蔓奴才鑒於去年川藏巴塘夷匪變亂及青海番族叛亂之案不敢徒事姑息致令養癰亦不敢遽施誅夷稍隣操切於南坪未攻以先遣使諭令投誠至於十數復寬以時日令其親族往招乃該逆怙惡不悛甘心為難擁護險阻益兇橫聞其由南坪逃走後有遣人潛往西甯塔子寺勾串匪黨之事若非刻日捕除後患何堪設想仰賴聖主威福用能殲厥渠魁未至釀成巨變現在伊盟各旗亂蒙皆散自二月後不交地者交地不納租者納租各墾局均已照常辦事懲前毖後愈益警心奴才于辦理蒙墾原擬不參一官不戮一人不意套匪之後又有此案但論其阻墾之罪豈無一綫可原而其肇亂稱兵則既背畔朝廷亦實該旗之亂臣賊子罪愈犯而愈重惡愈貫而愈盈直使欲末減曲從竟難仁寬法外履霜冰至諸部望風實迫於事機之萬不容已逸匪們肯吉亞等及各犯供出之匪黨實愷仍分行各處飭屬一體嚴拿務獲按法懲治以絕根株其暗中助亂各蒙亦札飭該旗嚴加管束除將錄取犯供咨送理藩院查照外理合恭摺具陳伏乞

皇上聖鑒訓示謹奏奉 硃批着照所請該衙門知道欽此

雲貴總督臣丁振鐸跪 奏為官軍攻克維西廳屬各匪撫輯夷屬境一律肅清恭摺仰祈 聖鑒事竊查雲南維西廳屬僧夷勾結叛亂焚教堂戕殺教士圍困官軍臣奏派署提督臣張松林督軍勦辦迭經先後具奏並電陳在案伏查該廳僧夷自阿墩被困官軍失利勢極鴟張以羊八景東竹林兩寺為巢穴主持者為各僧管事附和者皆土目土民並遣醜類分扼要隘地勢既極險峻人復獷悍異常而官軍糧運之難雨雪之阻倍極艱苦署提督臣張松林於七月二十八日行抵魯甸細審地勢敵情定三路剿辦之策該署提督親率信軍砲隊並姜德興所部為西路派謝有功率領

新軍益以楊發旺一營並靖武等營為東路土司木汝誠同建威左營扼守中路八月二十二日西路一軍抵小燕岩江邊僧夷隔江死力抗拒槍砲猛烈我軍伏地蛇行逼近江岸排砲環施助以開花砲力斃匪極多紛墜岩洞餘賊奔潰拖拉土目王福反正投誠退出大燕岩紅坡各要隘我軍乘勢進搗羊八景寺僧夷恃其險僻不虞官軍猝至寺僧二百餘夷匪千餘相與震懾各携輜重分頭潰竄一竄瀾滄江處一附東竹林寺該署提督即于二十九日進駐羊八景寺中觸體遍地稱為供器殘忍慘毒不忍寓目其時連日雨雪朔風飈肌將士苦寒相對悲縮該署提督勉以忠義並諭以深入糧盡非涉險出奇無以自存將士感奮遂於陰裏五日糧銜枚冒雪由紅坡山開道斬棘絕幽潛拊擊竹之背另派兵圍越瀾滄綴江外竄賊該署提督親率餘兵由白蟒山夾擊九月初六日午刻出賊不意進抵東竹寺樓閣連雲外築土牆碉樓雉堞並極堅固因是悉力抗拒自午至戌我軍排鎗數十發僞進土城賊退入寺我軍跟踪猛進短兵相接斬七人生擒管事喇嘛老梭直實等九名夜黑山深餘賊悉由寺後潰逃附近之河產阿墩磨子石等二十餘寨悉由土司率領陸續投誠該署提督逐一拊循俾各安輯寺懸人皮一張查係陣亡哨弁楊桂珍軀壳憫懷疊疊與羊八景寺等江外竄賊或斬或投誠亦均救平該署提督復派隊接應謝有功此西路一軍進勦獲勝疊克僧寺之情形也本汝誠一軍扼巖以槍俯擊我軍冒險猛登賊遂敗走亟折橋以斷我軍之路奮勇據橋肉薄相當決鬪數次斃賊甚多生擒五名溺死者多尤不可勝計奪獲火鎗抬槍多件復乘勝連克孔多巨各山壘適該署提督派援之軍亦至合攻補牙坪賊巢槍斃多匪獲械多件賊悉潰竄亦進抵東竹莊紮此東路一軍連戰克捷會合兩路之情形也該署提督派撥各營分路搜剿並諭以宥脅懲渠之意脅從各夷懾威悔禍踵接投誠貢固之匪並被擒斬得令謝有功前赴川邊巡歷以會用軍廳境一律肅清至怒江高蒲桶白漢洛一帶仇教僧夷由已革知府李盛卿派土目王國相等次第勦撫收械亦各安堵先後具報前來臣查維西僧夷響應巴匪勾結滋事恃其險僻勢極披猖署提督臣張松林督軍進剿不避險阻出奇制勝未及兩月克奏膚功全境盪定其勞動誠不可沒惟該署提督係記名提督實任總兵應如何 加恩之處恭候 聖裁署維西協副將記名總兵謝有功請免補總兵事提督 記名簡放准補臨元鎮右營都司王剛請以游擊儘先補用並加副將銜游擊儘先都司駱家信請免補遊擊以參將儘先補用二品廕生張德成請俟引見時 加恩錄用其餘在事出力各員弁可否仰懇 天恩容臣擇尤彙奏俾昭激勵出自 逾格鴻慈至已革麗江府知府李盛卿



現飭與法教士任安收等議辦教案並會同現署麗江府知府彭繼志將善後及教案分別妥辦議結再行請  
恩外謹恭摺具陳伏乞 皇太后 皇上聖鑒訓示謹 奏奉 硃批該部知道欽此

浙江巡撫臣張曾敭跪 奏為存營軍械照例盤查改題為難恭摺仰祈 聖鑒事竊准部行各營軍火器械如屬督  
撫所轄督撫委員盤查取具各營並無缺少印結及委員並無捏飾甘結於年底彙題又准部咨嗣後保題軍器冊結將  
錢糧有無虧缺馬匹是否應壯之處取具營員印結造冊報部又准部咨嗣後直省滿綠各營軍裝器械每年均於十月  
內委員盤查於封印前具題名等因遵照在案所有光緒三十一年分撫標左右兩營軍火器械錢糧馬匹經前兼署撫  
臣瑞興與委杭州府知府宗培盤查去後茲據兼署布政使顏鍾麟詳據杭州府知府宗培中稱遵詣撫標左右兩營分  
別盤驗光緒三十一年分軍械均係實儲錢糧並無虧缺馬匹亦皆應壯取具冊結由府加結申請核轉到司詳送察核  
改題具 奏等情前來臣覆核無異除冊結分送戶兵二部科外理合恭摺具陳伏乞 皇太后 皇上聖鑒  
飭部查照施行謹 奏奉 硃批該部知道欽此

文苑

揚州

慶博如來稿

疊鼓鳴笳助勝游隋家天子重風流童謠亂起都關運螢火橫飛未解愁十里垂楊風似翦六宮燈火雪成球至今嗚咽  
那溝水猶向長江送客舟  
依依楊柳尚棲鴉曾見王孫駐錦車廿四小橋通翠陌二分明月到梅花雷塘數畝生春草大業長堤沒淺沙惟見梁間  
舊時燕年年還上玉鈎斜  
燕子樓過指露筋琅玕新竹女兒墳一天雨氣初停權何處雷聲想聚蟄門外白蓮搖野水祠前青樹捲湘雲貞魂一夕  
成千古指點天涯又夕曛

焦山

絕頂登臨氣倍豪危峯嶺斷大江濤南都到處皆天塹北顧當年出漢高夜靜星從瓜步認潮來風向海門號華陽真逸

成仙去拓得遺銘自引毫

金陵

王氣千年鬱不開滿城秋色擁樓臺六朝遺恨隨流水一代君王解愛才吳楚帆檣天際出江山風月我重來當時勝  
成陳迹獨向西風酌一杯

秦淮

東下長江帶暮烟湯湯淮水為誰憐千秋王氣終難洩十里春風此獨娟滿店柳花人載酒一船明月客開筵清流莫慢  
尋王謝暮雨瀟瀟石獸眠

采石

謫仙祠畔且勾留萬里風雲接素秋四面山光環翠黛大江明月自沈浮行人繫纜須呼酒游客題詩慢上樓指點荆襄  
在天末蘆花蕭瑟水悠悠

皖中

春秋佳日自無邊楊柳依依翠拂肩萬里江聲走白下六朝山勢嚙青天桐城有派文章重幽國無祠過客憐(元余闕  
邑中無祠)西望彭郎好烟景乘風時放楚人船

戶部銀行代收國民捐清單

捐戶姓戶

長福之母佟氏

成果

祝華春

李萬藻合家

崇禧

李子元

蕭得祿

張忠仁

銀數若干

庫平足銀一兩

英洋三元

人洋二十元

庫平足銀一百兩

庫平足銀九錢四分

庫平足銀三兩七錢六分

庫平足銀一兩八錢八分

庫平足銀一兩八錢八分



和碩肅親王

肅親王福晉

肅親王府側福晉阿哥格格

宗室載澤

宗室載澤晉

宗室載澤侍妾

宗室載澤長女格格

榮壽固倫公主

榮壽固倫公主率十誠嘉毅勇公麟光

榮壽固倫公主率孫增愷

廂白旗漢軍都統桂公

榮昌

徐樹

朱彭壽

劉文翰

桂永

恩泉同第四初等學堂全堂學生

榮魁

王毓桐

王煥文合家

法通寺張永祥

庫平足銀九錢四分

捐銀元一千元

捐銀元一千元

共捐銀元五百元

庫平足銀一百兩

庫平足銀一百兩

庫平足銀五十兩

庫平足銀五十兩

龍元三百元

捐龍元一百元

捐龍元三十元

庫平足銀一百兩

庫平足銀二兩八錢二分

庫平足銀九錢四分

龍元四元

龍元五元

庫平足銀九兩三錢九分

捐庫平足銀三兩七錢六分

龍元壹元

龍元一元

庫平平銀十二兩

庫平足銀一兩